



Concurso de proxectos audiovisuais Vidas Mariñeiras 2018 Golfo Ártabro Norte

vidasmariñeiras.gal/golfo-artabro-norte



Convocatoria

O Grupo de Acción Local do Sector Pesqueiro (GALP) Golfo Ártabro Norte convoca o Concurso de Proxectos Audiovisuais *Vidas Mariñeiras 2018*, dirixido ao alumnado de 3º ESO, 4º ESO e 1º Bacharelato dos concellos de Ares, Cabanas, Fene, Ferrol, Miño, Mugardos, Narón, Neda, Paderne e Pontedeume.

No marco das actividades que o GALP Golfo Ártabro Norte, a través do Fondo Europeo Marítimo e de Pesca (FEMP), realiza para dinamizar e poñer en valor o litoral ártabro, o programa de formación audiovisual *Vidas mariñeiras* contempla a selección, titorización e desenvolvemento de dous proxectos cinematográficos que darán como resultado unha serie de filmes representativos da vida e paisaxe na costa, nomeadamente a partir do retrato dos oficios vinculados ao traballo no mar.

Con este obxecto convócase o Concurso de Proxectos Audiovisuais *Vidas mariñeiras 2018*, rexido polas seguintes bases e condicións.

Bases e condicións

1. PROGRAMA DE FORMACIÓN

Os proxectos seleccionados formarán parte do programa de formación audiovisual *Vidas mariñeiras 2018*. Ao longo das 8 semanas que dura o curso, entre outubro e decembro, o alumnado recibirá unha formación teórica e práctica gratuíta para producir o proxecto presentado. As participantes aprenderán sobre a historia do cinema ao tempo que desenvolven todos os procesos necesarios para organizar, rodar e editar os seus filmes, desde a escaleta de produción até os axustes finais de posprodución e masterización. O programa completo e calendario do curso é accesible en vidasmariñeiras.gal/storage/documentacion/programa-artabro-norte.pdf.

Ademais, durante o mes de decembro organizaranse como mínimo dúas proxeccións, en salas debidamente equipadas, onde se presentarán os traballos finais ao público.

Os filmes tamén serán subidos ao sitio web do programa, vidasmariñeiras.gal/golfo-artabro-norte.

golfoartabronorte@vidasmariñeiras.gal

María José Crespo Fraga (GALP) 981 784 417
Pablo Cayuela Miguel (coordinación) 881 956 418
Jesús de la Fuente (coordinación) 981 589 269

1 / 3

2. PARTICIPANTES

Poderán participar alumnos e alumnas de 3º e 4º da ESO ou 1º de Bacharelato de calquera dos centros de ensino público dos concellos de Ares, Cabanas, Fene, Ferrol, Miño, Mugar dos, Narón, Neda, Paderne e Pontedeume.

Cada proxecto deberá ser presentado por un grupo constituído por entre 5 e 15 persoas, non necesariamente do mesmo curso escolar nin do mesmo centro. Valorarase o equilibrio de xénero na conformación dos grupos, polo que se recomenda que a proporción dun xénero non sexa inferior a un 30% do total de membros.

3. CONSIDERACIÓNS PREVIAS

- a) Cada grupo participante poderá presentar un máximo de 2 proxectos.
- b) Cada grupo deberá contar cun/ha docente de apoio.
- c) O proxecto presentado deberá axustarse, polo menos parcialmente, a algún dos seguintes temas:
 - Actividades económicas ligadas ao mundo do mar (Pesca costeira artesanal, servizos á pesca,..)
 - Oficios e técnicas do traballo no mar
 - Patrimonio cultural marítimo e o patrimonio costeiro
 - Cultura e tradición mariñeira
 - Paisaxe marítima e costeira
 - Medioambiente e recursos naturais do mar e das zonas costeiras
 - Experiencias ou proxectos innovadores relacionados co mar
 - Turismo mariñeiro
 - Investigación ou ciencias mariñas.
- d) Os proxectos poderán ser ficcións, documentais ou de carácter experimental. Non é necesario que inclúan ou prevexan unha fase de rodaxe, pois son perfectamente admisibles aqueles articulados exclusivamente a partir de material de arquivo, mesmo do ámbito doméstico. Nese caso as xornadas previstas de gravación substituiríanse por outras de edición.

e) Cada participante do grupo inscrito deberá dispoñer de aproximadamente 5 horas semanais durante as 8 semanas que dura a formación e produción das pezas (ver calendario en vidasmarineiras.gal/storage/documentacion/programa-artabro-norte.pdf). Con todo, traballarase previamente con cada grupo o horario máis acaído para todas as partes implicadas (centro, docentes e alumnado).

4. DOCUMENTACIÓN REQUIRIDA

A inscrición de cada grupo realizarase a través do formulario normalizado accesible en vidasmarineiras.gal/storage/documentacion/formulario-artabro-norte.pdf onde se fará constar:

- Nome, apelidos e centro ao que pertence cada membro do grupo
- Nome, apelidos e centro ao que pertence o docente ao cargo
- Teléfono e correo electrónico de contacto
- Dispoñibilidade horaria nos meses de outubro, novembro e decembro de 2018
- Título provisional
- 100 palabras máximo ou vídeo de non máis de 5 minutos no que apareza o grupo participante, total ou parcialmente, explicando o proxecto
- Motivacións para realizar o proxecto (300 palabras máximo ou vídeo de non máis de 5 minutos)
- Escoller, de entre os fragmentos de filmes aloxados na *Zona de visionado*¹ (vidasmarineiras.gal/visionado), cal resulta de maior interese ao grupo, ben polo seu tema, pola forma na que se achega a este ou calquera outro motivo. Breve xustificación da escolla (Opcional, 50 palabras máximo).

Ademais da documentación escrita, cada grupo deberá achegar un **vídeo sen editar de como máximo 1 minuto** ou **entre 3 e 5 fotografías** que representen ou describan algún aspecto sobre o que se quere traballar no proxecto. 📷

[1] O acceso á *Zona de visionado* require dun usuario e contrasinal que deberán ser solicitados por escrito a info@vidasmarineiras.gal. Crearase un usuario e contrasinal para cada grupo inscrito.

👉 Por exemplo, se un grupo quere realizar un retrato dunha mariñeira durante o seu labor cotián, o vídeo ou as fotografías poden ser un breve plano ou tomas da protagonista traballando, na casa, mirando a cámara, etc. Non é preciso que os vídeos ou fotografías sexan de calidade, nin formal nin técnica, unicamente deben servir ao comité avaliador para facerse unha idea máis precisa do traballo que quere realizar cada grupo. Recoméndase por tanto que se rexistren cun móbil ou calquera outro medio lixeiro que non requira de coñecementos técnicos avanzados.

5. MODO DE ENTREGA DA DOCUMENTACIÓN

O formulario de inscrición e os vídeos ou fotografías enviaranse por correo electrónico a golfoartabronorte@vidasmarineiras.gal, facéndose constar no asunto CONCURSO DE PROXECTOS AUDIOVISUAIS VIDAS MARIÑEIRAS 2018.

6. PRAZO DE ENTREGA

Desde a convocatoria destas bases até o **mércoles 3 de outubro ás 12:00**. Non se admitiran proxectos recibidos con posterioridade.

7. SELECCIÓN DE PROXECTOS E RESOLUCIÓN

O **venres 5 de outubro** publicaranse os proxectos seleccionados en vidasmarineiras.gal/golfo-artabro-norte e informárase da resolución ao representante de cada grupo, por teléfono e/ou correo electrónico.

O comité avaliador, formado por membros do GALP Golfo Ártabro Norte e unha equipa técnica de ampla experiencia formativa no eido audiovisual, rexirase polas seguintes pautas para realizar a selección dos proxectos gañadores:

- Entrega da documentación requirida
- Disponibilidade horaria do grupo participante
- Viabilidade e orixinalidade da proposta
- Adecuación do proxecto a un filme de aproximadamente 15 minutos de duración
- Adecuación aos temas propostos e á EDLP (Estratexia de Desenvolvemento Local Participativo) do GALP.

8. AUTORÍA E PROPIEDADE DAS CURTAMETRAXES

As curtametraxes resultantes do programa formativo serán propiedade do GALP Golfo Ártabro Norte como promotor da obra. A autoría intelectual será das persoas acreditadas en cada filme (alumnado e centro de ensino), que poderán explotar comercialmente a obra previa comunicación e acordo co GALP. Esta cesión de dereitos será asinada por ambas partes a través dun documento específico que lle será remitido a cada centro no comezo do programa.